

Arc Taw Kev

Cov Tswv Yim Pab Tsev Neeg (Individualized Family Service Plans (IFSP))

Raws li Txoj Cai xyoo 2004 Txhim Kho Kev Kawm Ntawv Rau Cov Tsis Taus (2004 Individuals with Disabilities Education Improvement Act (IDEIA)), cov me nyuam puas hlwb thiab puas ib ce muaj cai tau ntau hom kev pab los ntawm lawv lub cheeb tsam tsev kawm ntawv txij li thaum yug kiag txog hnuv nyooog 21. Thawj kauj ruam kom tau cov kev pab yog tsim kom muaj ib lub tswv yim.

Cov Tswv Yim Pab Tsev Neeg (Individualized Family Service Plans (IFSP))

Cov tswv yim IFSP yog pab rau cov me nyuam tseem yau. Tsoom fwm txoj cai yuam kom muaj cov tswv yim IFSP rau cov me nyuam txij thaum yug kiag txog thaum muaj peb xyoos, tiam sis yeej pab ntxiv mus los tau. Piv txwv, nyob rau hauv tej cov cheeb tsam tsev kawm ntawv, siv tau lub tswv yim IFSP kom txog thaum tus me nyuam pib kawm ntawv qib kindergarten. Lub tswv yim IEP pib thaum lub tswv yim IFSP xaus, kom muaj kev pab sib txuas zws raws tus me nyuam txoj kev loj hlob zus. Pab neeg tuav tswv yim yuav tsum xyuas txoj kev hloov ntawm lub tswv yim IFSP mus rau lub tswv yim IEP kom cov kev pab tsis muaj kev tu ncuu rau txhua tus me nyuam.

Cov tswv yim IFSP yog tsim kev pab cuam tshuam thaum ntxov rau cov me nyuam uas loj hlob qeeb, pom muaj kev puas ib ce los yog puas siab puas ntsws uas yuav ua rau loj hlob qeeb los yog muaj feem yuav loj hlob qeeb heev yog tsis muaj cov kev pab cuam tshuam thaum ntxov.

Yog cov niam txiv xav tias lawv tus me nyuam yuav muaj xws li ib yam no, thawj kauj ruam yuav tau ua yog lawv yuav tau mus cuag lub cheeb tsam tsev kawm ntawv. Raws li IDEIA, lub cheeb tsam tsev kawm ntawv muaj txoj luag num yuav muaj cov kev soj ntsuam tsim nyog thiab muab cov kev pab tsim nyog. Ib pab kws muaj txuj ci tshwj xeeb thiab tus me nyuam leej niam leej txiv yuav los txiav txim cov kev pab tsim nyog thiab tsim lub tswv yim IFSP. Thaum kawg, yuav tsum muaj lub tswv yim uas muaj kev pab txhij txhua rau tus me nyuam cov kev ncuu, nrog rau cov kev pab hauv chaw kho mob pab pej xeeb thiab kev pab ntawm cov koom haum.

Lo lus “tsev neeg” yog lub ntsiab ntawm lub tswv yim IFSP vim hais tias lub tswv yim yog pab txhua yam kev ncuu hauv tus me nyuam lub tsev neeg. Piv txwv, nws muaj cov kev kawm rau cov niam txiv los yog kev kho rau cov neeg hauv lub tsev neeg. Yuav muab cov kev pab hauv lub tswv yim ISFP rau tus me nyuam ntawm nws “ib puag ncig chaw uas nws niaj hnuv nyob swm” – uas feem ntau yog hauv nws lub tsev.

Yog muab los xyuas ces lub tswv yim IEP yog pab txog tus me nyuam txoj kev kawm ntawv nkaus xwb. Lub cheeb tsam tsev kawm ntawv muaj txoj luag num siv lub tswv yim IEP nyob rau ntawm ib puag ncig uas tsis ceev nruj.

Lub tswv yim IFSP thiab IEP muaj tej yam zoo sib xws. Yuav tsum muaj caij nyooog rau cov niam txiv koom nrog txoj kev tsim cov tswv yim. Puav leej siv tsis tau cov tswv yim kom txog thaum cov niam txiv paub zoo txog tso cai rau (thawj cov tswv yim yuav tau kos npe tso cai). Yuav tsum rov sau dua ob lub tswv yim ib xyoos ib zaug, nrog kev rov ib sij muab xyuas dua.

Tsoom fwm teb chaws muaj cov kev cai tsim cov tswv yim IFSP thiab IEP, tiam sis lub xeev thiab cov cheeb tsam tsev kawm ntawv yuav txhais mus ntau txoj kev thiab yuav siv cov kev cai mus ntau txoj kev. Yog li cov tswv yim no yuav txawv ntawm ib lub xeev mus rau ib lub thiab txawv ntawm ib lub cheeb tsam tsev kawm ntawv mus rau ib lub.

Xav tau cov ncauj lus ntxiv los yog tau cov kev tawm tsam txhawb, hu rau Arc Hauv Ob Lub Nroog Ntxaib ntawm 952-920-0855 los yog txuas mus xyuas www.arcgreatertwincities.org.

Tsab ntawv no tsis yog tswv yim raws kev cai lij choj, thiab yuav tsum tsis txhob muab siv ua plaub ntug. Yog li cov ncauj lus ntawm tsab ntawv no hloov tsis tau tus kws lij choj cov tswv yim. Hu tau rau Minnesota Chaw Lij Choj Rau Txoj Cai Tsis Taus ntawm (612) 334-5970.